



AKSI Mohamad Hazrul di gelanggang.

■ Penuntut UPM tempuh detik sukar bahagi masa antara pelajaran dan sukan

Syazwan Msar
mohdsyazwan@hmetro.com.my

Mahu mengcapai kejayaan serentak dalam akademik dan sukan adalah perkara yang agak sukar dilakukan oleh sesetengah pelajar universiti kerana menuntut pengorbanan dan komitmen yang tinggi termasuk perlu melupakan segala keseronokan seperti rakan lain.

Bergelar ahli sukan bukanlah perkara mudah bagi pelajar semester akhir Juru-san Ijazah Sarjana Muda Komunikasi Universiti Putra Malaysia (UPM) Mohamad Hazrul Faiz Ahmad Sobri apabila perlu membahagikan masa antara mahu menggenggam segulung ijazah atau mengharumkan nama negara dalam sukan hoki.

"Sejujurnya begitu sukar untuk memberi tumpuan dalam kedua-dua bidang ini berikutnya jadual yang begitu padat membabitkan latihan serta perlawanan manakala pada masa sama perlu menghadiri kelas serta menyelesaikan tugas yang diberikan."

"Pengorbanan yang paling perlit adalah saya tidak boleh mengatur kehidupan seperti



MOHAMAD Hazrul bersama rakan sepejabitan selepas perlawanan hoki.

HOKI & SEGULUNG IJAZAH

» PENCAPAIAN

- Tempat keempat Kejohanan Remaja Piala Dunia 2013
- Juara Kejohanan Piala Remaja Asia 2012
- Pemain terbaik Kejohanan Piala Remaja Asia 2012
- Penjaga gol terbaik Kejohanan Piala Remaja Asia 2012

rakan seusia lain yang boleh bersantai atau melepak bersama kerana jadual padat selain perlu mengekalkan momentum sebagai persediaan untuk perlawanan hoki," katanya, ketika ditemui di sini.

Beliau berkata, jadual latihan bermula seawal jam 6 pagi hingga 9 pagi dan kemudian bersambung jam 5 petang sebelum berakhir tiaga jam kemudian.

"Hampir setiap hari saya menjalani latihan berkenaan dan jadual akan lebih padat apabila menjelang perlawanan liga hoki atau kejohanan peringkat antarabangsa."

"Jadual harian yang padat

sebenarnya tidaklah memberi tekanan kepada saya kerana ketika belajar di Sekolah Sukan Bukit Jalil (SSBJ), rutin sama perlu dilalui setiap hari," katanya, yang kini mewakili Kelab Terengganu.

Katanya, beraksi di Sukan Olimpik dan Kejohanan Hoki Piala Dunia adalah sasaran utama seterusnya meletakkan Malaysia sebagai pasukan digeruni di peringkat antarabangsa.

"Dalam bidang pendidikan pula saya mahu lulus dengan cemerlang dalam peringkat ijazah sarjana muda dan berkenaan menyambung pelajaran untuk menjadi contoh kepada adik beradik lain."

"Keluarga banyak membeli sokongan untuk terus

“

Pengorbanan yang paling perlit adalah saya tidak boleh mengatur kehidupan seperti rakan seusia lain yang boleh bersantai atau melepak bersama kerana jadual padat selain perlu mengekalkan momentum sebagai persediaan untuk perlawanan hoki"

Mohamad Hazrul Faiz

berjaya dalam kedua-dua bidang ini dan Alhamdulillah menerusi pembabitan dalam sukan hoki mampu membantu keluar-


ga," katanya.

Menurut Mohamad Hazrul Faiz, pencapaian tertingginya setakat ini adalah berpeluang beraksi di Kejohanan Piala Remaja Asia 2012 dan Remaja Piala Dunia 2013 pada usia 21 tahun.

"Kejayaan pada Piala Remaja Asia lebih manis apabila di-

nobatkan sebagai pemain dan penjaga gol terbaik kejohanan ditambah pula Malaysia menuarai kejohanan berkenaan selepas mengalahkan Pakistan 2-1," katanya.

Menurutnya, kejayaan berkenaan menjadi pemangkin untuk mengulangi kejayaan pada Sukan Sea 2017 yang bakal berlangsung dalam masa terdekat ini seterusnya meletakkan Malaysia dalam landasan yang betul untuk merebut tempat ke sukan Olimpik dan Piala Dunia nanti.



» INFO

- Bermain di posisi penjaga gol
- Mewakili negara sejak 2009
- Mewakili skuad senior negara 2014
- Dipilih mewakili Kelab Hoki Terengganu sejak 2013